

圖15：麻質，用布橫褶爲桶形。寬四六五糲，高三一〇糲。一端以線縫緝，一端已破殘，但其縫緝原形，尙可見也。按囊有二種：曰大，曰小。說文云：『囊，橐也。』詩大雅：『于橐于囊。』傳云：『小曰橐，大曰囊。』方言：『飲馬橐，自關而西謂之襜囊。』襜，緣也，緝口之囊，謂之襜囊。史記：『韓信乃夜令人馬萬餘囊，滿盛沙，壅水上流。』戰國策：『荆軻逐秦王，時侍醫夏無且以其所奉藥囊提荆軻。』皆謂大囊也。緝口不可攜帶，必負之而行，故莊子曰：『將爲肱篋探囊發匱之盜而爲守備，則必攝緘膝，固局鑄；然而巨盜至，則負匱揭篋擔囊而趨。』曰緘，曰擔，皆緝口之大囊，必須肩負而行也。漢書張安世傳：『持橐簪筆事孝武皇帝數十年。』韋昭張晏並注云：『橐，囊也。近臣簪筆，以待顧問。』西陽雜俎：『北朝婦人，夏至日進扇及粉脂囊。』清異錄：『唐季王侯競作方便囊，重錦爲之，形如今之照袋。每出行，雜置衣巾篋鑑香藥辭冊，頗爲簡快。』此皆小囊也，亦謂之橐。分言之，小者曰橐，大者曰囊；通言之，皆囊也。小囊可以隨身攜帶，不緝口，別以索緊結之而已。余在吐魯番拾香囊一，中陳香料，口貫以索，可以隨意開合。同團瑞典柏格孟君在羅布古墳中，得錦囊三，亦以索貫口，隨意開合之，與余所拾形式相同，亦皆陳香料食品之類者。柏氏尙有大袋一，高尺許，則兩端具帶，不鎖口。余此件爲麻織，形製較大，且粗糙，當非貯陳香料或珍貴之品者。此與漢簡同出於古烽燧亭中，疑當時軍中貯餼糧或草料之囊也。

一一、麻布殘塊 圖版三三：圖16

圖16：麻質禪布不等邊長方塊，四周有緣緝遺痕。長三六五糲，上寬一七五糲，下寬三五〇糲。疑爲短褐之殘幅，或爲當時士兵之服，亦出於古烽燧亭中也。

一二、絲織殘巾 圖版三三：圖17

圖17：絲質長方塊，殘破不完。長二八〇糲，寬一六〇糲。作淺色紅。一端口緣寬九糲，由原布捲摺縫緝之。原爲朱紅，因年久變爲淺紅色也。因有縫緝之迹，故余疑爲衣服上之殘布。但已殘破，失其全形矣。此以絲